

Aatsitassanut Ikummatissanulluu Pisortaqarfik
Rårstofdirektoratet
Bureau of Minerals and Petroleum

GT Technology Corporation
2105 City West Boulevard
Building 3
Suite 900
Houston TX
USA 77042-2837

Aatsitassanut Ikummatissaqarfiup Pisortaqarfianit akuersissut, GXT-ip Tunup Immikkoortortaata Avannaani assinik 2D-nik aktersinermi sajuppillatsitsilluni misissuina, akuersissuteqarfiusussanik misissueqqisaarnera 2009/28 aamma 2009/29

Aatsitassanik Ikummatissanillu Pisortaqarfiup uani sammivaa "GXT-ip 2011-imi Tunup avannaata imartaani misissuinissami qinnuteqaat" elektroniskimik tunniunneqarsimasooq GX Technology Corporation-imik (GXT-mik taaneqartartoq) maj-ip 26 2011 kingusinnerusukkullu allakkatigit. Julip 15-ani Aatsitassanik Ikummatissanillu Pisortaqarfiup tiguaa Avatagiisinut Sunniutaasinnaasunut Misissuinermi nalunaarusiaq nutartigaq tuluttut aqqissuussamik misissuinissamut tunngasoq. Kalaallisuaa suliarineqarpoq.

Assinik 2D-nik sajuppillatsitsilluni misissuinermi katersilluni akuersissut Tunup avannaata imartaani immikkoortortani 2011-imi tunniunneqarpoq qinnuteqaat, paasissutissallu amerlisakkat tunngavigalugit, ataani eqikkarneqarsimasutuut:

GX Technology Corporation misissuinermit ingerlatsitsisussaavoq kauersissut 2009/28 aamma 2009/29 naapertorlugit.

Suliaqarnermi anguniagassaq pingaarneq tassaavoq imap naqqani assinik sajuppillatsitsilluni 2D-nik katersinissaq Tunup avannaata avataani misissuivigissallugu sajuppillatsitsilluni ingerlaarfissaq 12.610 km-inik isorartutigisoq, naatsorsuutigineqarporli 5.000-6.000 km missani taamaallaat paasissutissanik katersiffiussasoq ilimagineqarpoq . Naleqqat ingerlaarfiusinnaasut akuerisat ilassutissat ingerlaarfigineqarsinnaassapput pilersaarutaasumik ingerlaarfissat sikoqarpallaarpata misissuinissamut, imaluunniit ingerlaariup ilaani immikkoortortat illersorneqarpata. Sajuppillatsitsilluni misissuinerup saniatigit nunap nutsuina kajungerineralu aamma misissorneqassapput. Misissuineq ingerlanneqassooq umiarsuarmik sajuppillatsitsilluni misissuummik Polar Explorer-imik atilimmik sikusiummillu Vladimir Ignatyuk-imik atilimmik, sikut akornanni aqqutissiuisussamik.

Misissuinermi piffissaq atorneqartussa q pilersaarusiorneqarsimavoq (orniginarnerpaaq) ulluni 100-t missaani, juli-miit oktober-ip qeqqata nalaanut, sila sikullu apeqquataatillugit.

Aatsitassanik Ikummatissanillu Pisortaqarfiup matumuuna akuerivaa sajuppillatsitsilluni nunap nutsuineranik kajungerineranillu misissuinissaanik akuersissutit 2009/28 aamma 2009/29 soorlu oqaatigineqareersoq qinnuteqaammi qulaanilu eqikkarneqartumi imatut piunasaqaatitaqartussat:

- Suliaqarnermi makku piunasaqaataapput:
 - Piunasaqaatit aaliagiunneqarsimasut Misissuinissamut Akuersissummi no. 2009/28 aamma 2009/29 malissallugit
 - Peqqussutit aaliagiunneqarsimasut "Aatsitassanik Ikummatissanillu Pisortaqarfiup suliaqarnermi malitassiai, suliap ingerlanneqarnera aamma nalunaarusiorneralu avataani ikummatissanik imerpalasunik suliaqarnermi (qillerineq ilanngunnagu) Kalaallit Nunaanni malissallugit", maj 2011
 - "Kalaallit Nunaata imartaata avataani sajuppillatsitsilluni Avatagiisinut Sunniutaasinnaasunik Misissuinermi" innersuussutigineqartut naapertorlugit, NERI-p tekniskiusumik nalunaarusiaa no. 723, 2009
- Misissuinermi naleqqat ingerlaarfigineqartussat ilaat aarrit, arfiviit qilalukkallu qernertat illersugaaffiata iluani inissisimapput (NERI-p malitassiaani allaqqasut). Taakku naleqqat ingerlaarfiit inissisimapput 10 km-erimik takinerusumilluunniit akunneqarlutik, tassani sajuppillatsitsilluni misissuineq nalilerneqarsinnaasoq "killilimmik ingerlanneqartoq", NERI-p malitassiai naapertorlugit.

Taamaakkaluartoq, naleqqat ingerlaarfinni 1875-imiit 2550-imut arfivinnut qilalukkanullu qernertanut illersugaaffik killeq qallerpaa, tamannalu sumiiffik uumaffiuvoq allannguutitut malussariffiusoq sikup sinna ilanngullugu. Sikup sinna tamanna naliginnaasumik takujuminartuuvoq, kisianni ukiumiit ukiumut sumiinnera kikerarsinnaalluni September-imilu 2010 kujasinnerusortaa sikuipajaareersimavoq (Takussutissiaq 1). Naliginnaasumik sikup sinna isorartussuseqartarpoq Hovgaard Ø-miit Île de France tikillugu. Umiarsuup sujappillatsitsissutip (aallakaatitsinerup nalaani) sikup sinna nigorteqariaqarpaa Hovgaard Ø-p Île de France-llu akornanni minnerpaamik 10 km-iiterimik. Sikup sinna sumiissusersineqarsinnaavoq satellite-ip assigitigut (assersuutigalugu uani: <http://ocean.dmi.dk/arctic/joekelbugt.php>).

- Avatagiisinut Sunniutaasinnaasunik Misissuinermi nalunaarusiaq akuerisaanermeik ullut 15-t qaangiutsinnagit Aatsitassanut Ikummatissanullu Pisortaqarfimmut nassiunneqassaaq.
- Umiarsuit atorneqartussat Polar Explorer aamma Vladimir Ignayuk-ip sillimmasersimaneri akuerisaanermeik ullut 8-t qaangiutsinnagit nassiunneqarsimassapput.

- Uumassusilinnut nakkutilliisut marluk suliaqarnermi ilannginneqassapput, takuuk “ Aatsitassanik Ikummatissanillu Pisortaqaarfiup qinnuteqarnermi suliaqarnermi malitassiai, suliap ingerlanneqarnera nalunaarusiorneralu avataani ikummatissanik imerpalasunik suliaqarnermi (qillerineq ilanngunnagu) Kalaallit Nunaanni”, maj 2011, Immikkoortoq 7.4.1 nittartakkami uani: <http://www.bmp.gl/petroleum/environment/environmental-regulation>.

Uumasunik nakkulilliisut (MMSO)

Imaani timmissanik imaanilu miluumasunik nakkutilliinermi malitassiat Robb Pitt-imiut Tony Lang-imullu nassiunneqarsimapput (LGL) juni-p 16-ani 2011.

Aatsitassanik Ikummatissanillu Pisortaqaarfik kisimi pisussaavoq Kalaallit Nunaata killeqarfiata iluani suliaqarnermi akuersisinnaasutut. Taamaammatt akuersissut ima paasineqassanngilaq akuersissutaasoq Kalaallit Nunaata killeqarfiata avataani atuussinnaasutut.

Una akuersissut atuutilerpoq ullormi akuerisaaffimmiik ukiup 2011-ip naanissaa tikillugu.

Inussiarnersumik inuulluaqqusillunga

Frederik Lyngé

Oqarasuaat: +299 34 68 37

E-mail: fri@nanoq.gl